

ուում «Դաշնակցութեան Քարտուղարի» երկայնաձիգ ու բեղմնաւոր քարէջրը: Նա ապրել է որոշ ժամանակ Կովկասում, կատարել է մի քանի անգամ ուղեւորութիւններ, թէ քարոզչական պաշտօնով եւ թէ զէնքի ու ժողովարարութեան նպատակով: Եւ, թիւրքահայ միւս գործիչների համեմատութեամբ, նա ամենամեծ աջողութիւնն է ունեցել Թիֆլիզի, Բաղուի եւ այլ քաղաքների հայ շրջաններում: Վոսմեանին ամէնքը կը յիշեն, Վոսմեանը ամենահաճելի սպաւորութիւնն է թողել իր արագասլաց լեզուով, իր խելացի ու սրամիտ զրոյցներով եւ իր ջերմ, հազորդական բնւորութեամբ:

Վերջին անգամը հրաժեշտ տուի մեր անմոռանալի Վոսմեանից 1911-ի աշնան, Կ. Պոլսոյ մեր Ընդհանուր Ժողովից յետոյ:

«Շատ եմ գազազուել, շուտով պիտի դամբեզ մօտ ժընեւ, դէթ մի տարով... միջախարը փոխելու, հանգստանալու եւ Եւրոպայէն՝ ճաշակելու... Մայրս ու քոյրս էլ այնպէս են, Միւնիխ տարիներէ ի վեր կարօտով կը սպասեն»...

Եւ ես յոյս ունէի, սր պիտի կարենար իրագործել այդ համեստ ծրագիրը, սրին ընկերներն էլ համամիտ էին:

Սակայն, հայոց ճակատագիրը այլ կերպ էր անօրինել Վոսմեանի, ինչպէս եւ հարիւրաւոր ուրիշ ընկերների բախար: Եւ թշուառ մայրը արտասուքն աչքերին ի դուր սպասեց իր Օննիկին եւ յաւէտ փակեց իր աչքերը՝ առանց իմանալու նրա եղբրական վախճանի մասին:

Պայթեց բալկանեան պատերազմը: Եւ նրա հետ սկսուեցին բանակցութիւնները հայկական ոչֆօրմների շուրջը:

Կուսակցութեան «Քարտուղարը» շարունակեց նստել իր պարտքի սեղանի առջեւ: Պէտք էր մնալ, եւս առաւել, որ Վանի ժողովուրդը պատուել էր նրա երկարամեայ գործունէութիւնը, ընտրելով նրան օսմանեան պարլամենտի երեսփոխան:

«Նոր շրջան» էր սկսում Հայաստանի համար... Այդպէս էր դառանցում ամբողջ հայութիւնը: Ռուսաստան եւ Գերմանիա ջերմա-

պէս հետաքրքրուած էին հայոց ոչֆօրմներով, մրցում էին իրար դէմ, — եւ կաթողիկոս, պատրիարք, Ազգային Ժողով ու քաղաքական կուսակցութիւններ, ամբողջ հայ աշխարհը երազում էր կարճ միջոցում իրագործուած տեսնել Եւրոպական կօնքոյրը Հայաստանում եւ նրա հետ հայրենիքի վերածնութիւնը:

Վոսմեան մէկն էր պատմական այդ տրիտուր շրջանի կարեւոր գերակատարներից եւ նա գործի ու ճիգի կենտրոնումն էր: Նրա գրիչը գուցէ երբեք չէր գործել այնքան թափով ու խանդավառութեամբ:

«Մարգպանները» գալիս էին եւ հարկ էր դնել ոչֆօրմների գործը ամբապինդ հիմքերի վրայ:

Նա տուեց «Ազատամարտ»ի մէջ մի գեղեցիկ յօդուածաչարք «մարգպանների» (Հօճ. Վեսեկենկ), ոչֆօրմների եւ կաթողիկոսական Զարթեմսկիի (Վանի Փրանսիա, փոխ-հիւպատոս) դաւաճան արարքները... սին: Յօդուածաչարքը թարգմանարար ու մասօտակի լոյս տեսաւ Պարիզի «Pro Armenia»-ի մէջ:

Վրայ հասաւ համաւրոյական պատերազմը: Նա գտաւ Վոսմեանին Վանի մէջ: Ի՞նչ ջերմեանեղ ու բեղմնաւոր գործունէութիւն էր սկսել նա Վասպուրականի մայրաքաղաքում... Գեո այժմ էլ յուզմունքով եմ կարգում նրա մի նամակը, ուղղած մեզ Պարիզ, ուր խնդրում էր ճարտարապետ Քաջազնունիից՝ զրկել իրեն յատակազիծ թատրոնական շէնքի կառուցման համար: «Ժողովրդական Տունը» կանգուն էր արդէն, հիմնուած էր եւ Գրադարան-Ընթերցարան, հարկ էր մտածել թատրոնի մասին: Եւ դրա համար ժողովրդական գործիչը յատուկ հանգանակութիւն էր արել Կովկասում:

Ա՛հ, չարաչուր ճակատագիր... Երլորդի շուրջը պատրաստուած էր մի այլ ուրազան, որ պիտի կործանէր բոլոր երազները...

Պատրաստուած էր թիւրք-ուսական պատերազմը:

Եւ ահա նախնական բանակցութիւնները... Իթթիհատի եւ «Դաշնակցութեան» մարմինների միջեւ, էրզրում եւ Վան: Ահա Վոսմ-